

Encuesta Parlamentario a crea mal impresion di Husticia na Aruba

Berguensa pa hueznan y Ministerio Publico

ORANJESTAD (AAN) E snan cu ta traha cu of na corte no sa reacciona pa loke ta trata funcionamiento di husticia na Aruba, pero ayera y antayera hopi hende cu tin sea directamente of indirectamente di haci cu husticia na Aruba, a haya azgo ora nan a wak kico tabata tumando lugar den e encuesta parlamentario cu tabata worde transmiti via Tele Aruba.

E motibo pa cual esnan cu ta traha cu husticia a reacciona ta pasobra nan a haya tur sorto di critica for di pueblo riba e aparato hudicial.

Hendenan cu lamentablemente no sa mihor y cu a wak e payasada y e circo grandi di e encuesta parlamentario na Tele Aruba, a kere cu e encuesta parlamentario encabeza pa Robert Maduro tabata tin e mesun peso y autoridad cu corte y Ministerio Publico.

Debi cu Robert Maduro como presidente di e encuesta parlamentario tabata sinta riba un stoel manera cu ta hues y PG mes e tabata, e impresion erroneo a worde crea cerca pueblo cu e encuesta parlamentario ta mescos cu corte y den cierto sentido te hasta mas halto cu corte y ey ta caminda cu mayoria hende a haya azgo di henter e sistema hudicial na Aruba.

Pa e mesun motibo ey tambe esnan cu ta traha den e aparato hudicial a haya tur sorto di critica for di pueblo encuan to cu husticia na

Aruba a bira completamente politiza y cu hendenan cu te hasta a worde sentencia pa Hit & Run y tabata tin indicacion fuerte cu e persona tabata bao di influencia di alcohol, awor ta bay sinta riba stoel di hues y asina duna tur hues y esnan cu ta traha cu husticia un mal imagen.

For di pueblo preguntanan y critica tabata worde lansa riba esnan cu ta traha cu husticia unda nan tabata cuestiona; ki mishi un hende cu a worde sentencia y tin dos sentencia riba su cabes, por bay actua publicamente den un encuesta parlamentario unda e ta bay sinta interroga diferente persona bao di huramentacion?

Un persona di cual dos corte a dicta sentencia contra dje por worde permiti pa bay sinta riba un stoel unda e tin martiew den su man y ta dicta con y kico ta worde haci cu interrogacion di otro personanan bao di huramentacion?

Esaki no ta un berguensa pa nos sistema hudicial unda pueblo ta custumbra cu ta huesnan y fiscalnan so tin e autoridad y e competencia pa interroga hende bao di huramentacion?

Pa aclarea un ke otro, esnan cu ta traha pa e aparato hudicial ta duna di conoce cu e encuesta parlamentario no tin nada di haci cu corte y cu esnan sinta den e comision y sigur Robert Maduro como e presidente di e encuesta parlamentario no tin ningun competencia of autoridad manera huesnan y fiscalnan tin den corte y den Ministerio Publico.

Esnan cu ta traha den husticia ta lamenta profundamente cu den pueblo tin e impresion cu un hende cu a worde sentencia por bay haci publicamente trabao di hues y asina crea un mal imagen di magistradonan na Aruba y tambe crea un mal imagen pa Ministerio Publico; encuesta parlamentario no tin nada di

haci cu corte y Ministerio Publico!!

E encuesta parlamentario ta uno cu a resulta di ta netamente politico y cu nan a permiti pa un persona cu dos sentencia di dos corte riba su cabes pa sinta riba un stoel y

actua manera ta un sorto di hues e mes ta y esaki ta algo di lamenta y ta algo cu a crea impresion erroneo pa tanto corte, Ministerio Publico como pa e persona en cuestion mes, esta Robert Maduro.

Noticia misterioso di un baby haya su so

ORANJESTAD (AAN): Por lo menos 2 persona ta insisti, cu siman pasa un Baby di como 5 luna, a worde haya abandona riba tereno di un Hotel grandi. Nan a check cu DIARIO di con nada di esaki ainda a sali den prensa.

Haciendo un investigacion via tur canal oficial na Aruba, DIARIO tampoco no a haya ningun confirmacion.

Pues e pregunta ta: Berdad a haya un baby abandona of no?

E relato ta muestra cu Diahuebs siman pasa, den oranan trempan di mainta, ora cu trahadonan tabata yegando, nan a bin descubri un Baby na bida, cu bruki so na curpa, den un caha poni abao riba tera y hopi vruminga riba dje. E tabata patras di un baki di hero.

Esnan cu a relata esaki, ta

insisti cu Polis a presenta y bay cu e Baby mucha homber aki di como 5 luna bieu for di e lugar di construccion.

E noticia aki a socede di berdad of no? Polis a informa na DIARIO cu nan no tin nada poni den rapport encuan to algo asina. Oficialnan di Recherche tambe a desmenti esaki.

Con por ta cu un storia asina por ta circulando anto? Pa tal motibo DIARIO ta suplica e fuentenan aki, pa por fabor contact Redaccion un blaha mas pa asina haya mas detaye di loke a socede Diahuebs siman pasa.

Si varios trahador di e Hotel ta insisti cu e Baby a worde haya, pero autoridad ta bisa cu nada asina a worde reporta... e ta birando un noticia misterioso.

DEN DJE MI KIER TA!!



BEST DEAL


Tel: 5827100

(Pariha di Aruba Bank, Paradera)

BEST SHOPPING DEAL

Turibana Plaza

Tel: 5865455



Antena
cu remote
control
Afl. 39,95